

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1296/13  
Sarajevo, 26.11.2013. godine

**Z A P I S N I K**  
**18. VANREDNE SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 22. novembra 2013. godine**

Sjednica je počela u 10.19.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Na početku sjednice predsjedavajući je pozdravio delegate, predstavnike Vlade Federacije, predstavnike akreditiranih medijskih kuća koji prate rad sjednice i goste.

Izostanak sa sjednice opravdali su: Mirjana Malić, Zora Dujmović, Zahid Bašić i Tomislav Mandić.

Na osnovu evidencije Stručne službe, predsjedavajući je konstatovao da sjednici prisustvuje 38 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je Nasir Beganović, zastupnik u Predstavničkom domu dostavio Prijedlog Zakona o izmjenama Zakona o stvarnim pravima s prijedlogom da se razmatra po hitnom postupku. Potom se Domu naroda obratio predlagač Zakona Nasir Beganović koji je obrazložio razloge hitnosti postupka.

Nakon toga predsjedavajući je stavio na glasanje prijedlog da se Prijedlog Zakona o izmjenama Zakona o stvarnim pravima razmatra po hitnom postupku što su delegati Doma naroda, sa 34 glasa za, uz dva glasa protiv i uz jedan uzdržani glas, prihvatili.

Potom je predsjedavajući stavio na glasanje i konstatovao da je Dom naroda Parlamenta Federacije Bosne i Hercegovine, sa 35 glasova za i uz četiri uzdržana glasa, usvojio sljedeći:

**D N E V N I R E D**

1. Prijedlog Zakona o izmjenama Zakona o stvarnim pravima (predlagač: Nasir Beganović, zastupnik u Predstavničkom domu Parlamenta Federacije BiH)- hitni postupak,
2. Prijedlog Odluke o prihvatanju zaduženja po Sporazumu o zajmu i Projektu između Bosne i Hercegovine i Kreditanstalt für Wiederaufbau (KfW) za realizaciju Projekta "Vjetropark Podveležje", Sporazum o zajmu i projektu između KfW, Frankfurt na Majni (KfW) i Bosne i Hercegovine i Federacije Bosne i Hercegovine i JP Elektroprivrede Bosne i Hercegovine d.d. Sarajevo (EP BiH) ("Agencija za izvršenje projekta"),

Informacija o zajmu njemačke banke za obnovu i razvoj Kreditanstalt fur Wiederaufbau (KfW) iz Frankfurta na Majni za finansiranje Projekta „Vjetropark Podveležje“,

3. Prve Izmjene i dopune Finansijskog plana Federalnog zavoda za zapošljavanje za 2013. godinu,
4. Prijedlog Zakona o budžetima u Federaciji Bosne i Hercegovine,
5. Nacrt Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina,
6. Nacrt Zakona o izvršavanju Budžeta Federacije Bosne i Hercegovine za 2014. godinu.

1. **Prijedlog Zakona o izmjenama Zakona o stvarnim pravima** (predlagač: Nasir Beganović, zastupnik u Predstavničkom domu Parlamenta Federacije BiH)- hitni postupak

Predstavnički dom je na 24. sjednici od 12. novembra 2013. usvojio Prijedlog zakona o izmjenama Zakona o stvarnim pravima sa četiri amandmana koji su postali sastavni dio Prijedloga Zakona.

Amandmani glase:

#### **Amandman I.**

Član 1. Prijedloga zakona mijenja se i glasi:

“U članu 370. u stavu 1. riječi: “Danom stupanja na snagu” zamjenjuju se riječima: “Početkom primjene”.

#### **Amandman II.**

Dodaje se novi član 2. Prijedloga Zakona koji glasi:

“Član 2.

U članu 371. u stavu 1. riječi: “Stupanjem na snagu” zamjenjuju se riječima: “Početkom primjene”.

#### **Amandman III.**

Dodaje se novi član 3. Prijedloga Zakona koji glasi

“Član 3.

“U članu 372. riječi: “dana stupanja na snagu” zamjenjuju se riječima: “dana početka primjene”.

#### **Amandman IV.**

Dosadašnji član 2. Prijedloga Zakona postaje član 4. Prijedloga Zakona.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za i uz dva uzdržana glasa, usvojio Prijedlog Zakona o izmjenama Zakona o stvarnim pravima.

## **2. Prijedlog Odluke o prihvatanju zaduženja po Sporazumu o zajmu i Projektu između Bosne i Hercegovine i Kreditanstalt für Wiederaufbau (KfW) za realizaciju Projekta "Vjetropark Podveležje"**

**Sporazum o zajmu i projektu između KfW, Frankfurt na Majni (KfW) i Bosne i Hercegovine i Federacije Bosne i Hercegovine i JP Elektroprivrede Bosne i Hercegovine d.d. Sarajevo (EP BiH) (Agencija za izvršenje projekta)**

**Informacija o zajmu njemačke banke za obnovu i razvoj Kreditanstalt für Wiederaufbau (KfW) iz Frankfurta na Majni za finansiranje Projekta „Vjetropark Podveležje“**

Ovu odluku utvrdila je Vlada Federacije i dostavila Parlamentu Federacije radi razmatranja i donošenja.

Predstavnički dom je na nastavku 23. sjednice od 30. oktobra 2013. godine donio Odluku o prihvatanju zaduženja po Sporazumu o zajmu i Projektu između Bosne i Hercegovine i Kreditanstalt für Wiederaufbau (KfW) za realizaciju Projekta "Vjetropark Podveležje".

Prijedlog ove odluke obrazložio je Ante Krajina, federalni ministar finansija.

U raspravi su učestvovali: Predrag Kojović, Hajrudin Bećirović, Salko Selman, Ivo Divković i Damir Čardžić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za, uz jedan glas protiv i uz šest uzdržanih glasova, donio Odluku o prihvatanju zaduženja po Sporazumu o zajmu i Projektu između Bosne i Hercegovine i Kreditanstalt für Wiederaufbau (KfW) za realizaciju Projekta "Vjetropark Podveležje".

## **3. Prve Izmjene i dopune Finansijskog plana Federalnog zavoda za zapošljavanje za 2013. godinu**

Prve Izmjene i dopune Finansijskog plana Federalnog zavoda za zapošljavanje za 2013. godinu prihvatila je Vlada Federacije i dostavila Parlamentu Federacije radi razmatranja i usvajanja.

Predstavnički dom je na nastavku 24. sjednice od 13. novembra 2013. usvojio Prve Izmjene i dopune Finansijskog plana Federalnog zavoda za zapošljavanje za 2013. godinu sa Zaključkom koji je prihvatio direktor Federalnog zavoda za zapošljavanje a koji glasi:

"U članu 4., odnosno ekonomskim kodovima 614329, 614434 i 614534 Program zapošljavanje "Prilika za sve" - zapošljavanje mladih bez radnog iskustva, zapošljavanje i samozapošljavanje žena, demobiliziranih branitelja, dugotrajno nezaposlenih osoba i Roma dodaju se riječi: "i samohranih roditelja"."

Prve Izmjene i dopune Finansijskog plana Federalnog zavoda za zapošljavanje za 2013. godinu obrazložio je Kenan Rešo, direktor Federalnog zavoda za zapošljavanje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za i uz jedan uzdržani glas, usvojio Prve Izmjene i dopune Finansijskog plana Federalnog zavoda za zapošljavanje za 2013. godinu.

#### **4. Prijedlog Zakona o budžetima u Federaciji Bosne i Hercegovine**

Prijedlog Zakona o budžetima u Federaciji Bosne i Hercegovine utvrdila je Vlada Federacije.

Predstavnički dom je na nastavku 23. sjednice od 30. oktobra 2013. usvojio Prijedlog Zakona o budžetima u Federaciji Bosne i Hercegovine sa jednim amandmanom Vlade Federacije koji je postao sastavni dio Prijedloga Zakona. Amandman se odnosi na član 46. Prijedloga Zakona.

Prijedlog Zakona o budžetima u Federaciji Bosne i Hercegovine obrazložio je Ante Krajina, federalni ministar finansija.

Luka Faletar, zamjenik predsjednika Kluba delegata hrvatskog naroda, predložio je da se odloži izjašnjanje o ovoj tački dnevnog reda kako bi delegati bili u mogućnosti dostaviti amandmane.

U raspravi su učestvovali: Zoran Jovanovović, Aner Žuljević, Mirko Batinić, Ante Krajina i Elvira Abdić-Jelenović.

Delegati Doma naroda su prihvatili prijedlog da se izjašnjanje o Prijedlogu Zakona o budžetima u Federaciji Bosne i Hercegovine obavi kada se bude razmatrao Prijedlog Budžeta Federacije Bosne i Hercegovine za 2014. godinu.

#### **5. Nacrt Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina**

Nacrt Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina utvrdila je Vlada Federacije.

Predstavnički dom je na 25. sjednici od 21. novembra 2013. godine razmatrao Nacrt Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina i Zaključkom ga prihvatio.

Nacrt Budžeta Federacije Bosne i Hercegovine za 2014. godinu obrazložili su Nermin Nikšić, premijer Federacije i Ante Krajina, federalni ministar finansija.

Izvještaj Odbora za povratak izbjeglih, prognanih i raseljenih lica obrazložio je Mladen Lonić, predsjednik Odbora.

U raspravi su učestvovali: Predrag Kojović, Ivo Tadić, Josip Perić, Damir Čardžić, Senahid Šaković, Sretko Radišić, Aner Žuljević, Esed Radeljaš, Hajrudin Bećirović, Mira Ljubijankić, Drago Puzigaća, Mirko Batinić, Branislav Crnogorac, Ivo Divković, Mijo Matanović, Vesna Nemeć-Klisura, Salko Selman, Zoran Jovanović i Mustafa Kurtović.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za, uz pet glasova protiv i uz četiri uzdržana glasa, usvojio sljedeći:

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt Budžeta Federacije Bosne i Hercegovine za 2014. godinu sa Planom razvojnih projekata Federacije Bosne i Hercegovine za period 2014.-2016. godina i smatra da može poslužiti kao osnov za izradu prijedloga Budžeta.

2. Zadužuje se Vlada Federacije da prilikom izrade prijedloga Budžeta ima u vidu primjedbe, prijedloge i sugestije iznesene na sjednici.

Potom je predsjedavajući stavio na glasanje Zaključak Ive Tadića koji glasi: "Obavezuju se Vlada Federacije Bosne i Hercegovine i Federalno ministarstvo za pitanja boraca i invalida odbrambeno-oslobodilačkog rata da u Budžetu Federacije za 2014. godinu osiguraju stavke i sredstva koja će omogućiti provođenje presuda Ustavnog suda Federacije Bosne i Hercegovine." Dom naroda Parlamenta Federacije Bosne i Hercegovine nije prihvatio navedeni zaključak jer je 20 delegata bilo za a 20 delegata je bilo uzdržano.

Sumnju u rezultate glasanja je izrazio Ivo Tadić, te je sekretar Doma naroda Izmir Hadžiavdić izvršio poimenično izjašnjanje,

Na osnovu rezultata poimeničnog izjašnjanja predsjedavajući je konstatovao da Zaključak nije dobio potrebnu većinu glasova, jer su za glasala 24 delegata a 20 delegata je bilo uzdržano.

## **6. Nacrt Zakona o izvršavanju Budžeta Federacije Bosne i Hercegovine za 2014. godinu**

Nacrt Zakona o izvršavanju Budžeta Federacije Bosne i Hercegovine za 2014. godinu utvrdila je Vlada Federacije.

Predstavnički dom je na 25. sjednici od 21. novembra 2013. godine razmatrao Nacrt Zakona o izvršavanju Budžeta Federacije Bosne i Hercegovine za 2014. godinu i Zaključkom ga prihvatio.

Nacrt Zakona obrazložio je Ante Krajina, federalni ministar finansija.

U raspravi su učestvovali Daliborka Milović, Zoran Jovanović i Sretko Radišić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz devet glasova protiv i uz dva uzdržana glasa, usvojio sljedeći:

### **Z A K L J U Č A K**

1. Dom naroda Parlamenta Federacije Bosne i Hercegovine prihvata Nacrt Zakona o izvršavanju Budžeta Federacije Bosne i Hercegovine za 2014. godinu i smatra da može poslužiti kao osnov za izradu prijedloga Zakona.
2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici.

Sjednica je završena u 15:56.

Transkript sjednice čini sastavni dio Zapisnika.

SEKRETAR

Izmir Hadžiavdić

PREDSJEDAVAJUĆI

Radoje Vidović